

Kitab Suci Bocah nyuguhaké

Gusti Allah nguji katresnané Abraham



Ditulis déning: Edward Hughes

Digambari déning: Byron Unger, Lazarus
Alastair Paterson

Dibesut déning: M. Maillot, Tammy S.

Diterjemahaké déning: Endang Supardan

Diproduksi déning: Bible for Children
www.M1914.org


©2023 Bible for Children, Inc.
Kowé duwé hak motokopi utawa nyithak crita iki,
waton ora kanggo diedol.

Ing sawijining bengi,
Gusti Allah maringi
prentah sing ora nalar
marang Abraham. Iki
minangka ujian kanggo
ndeleng apa Abraham
tresna marang putrane




Iskhak luwih saka
tresnané marang
Gusti Allah.

"Gowono anakmu Iskhak lan dadino kurban obongan," dhawuhé Gusti Allah. Ngorbanake Iskhak putrane? Iku angel kanggo Abraham. Dhèwèké tresna banget marang putrane.



3

Nanging Abraham wis sinau kanggo pracaya marang Gusti Allah sanajan dhèwèké ora ngerti. Ésuké dhèwèké budhal menyang gunung kurban karo Iskhak lan abdi loro.



4

Sakdurungé budhal, Abraham mecah-mecah kayu kanggo gawé geni kurban obongan. Abraham manut lan pracaya marang Gusti Allah.



5

Kantri telung dina, Abraham lan rombongané banjur tekan neng gunung. "Kowé padha manggona neng kéné," kandhané Abraham marang para abdiné.



6

"Pundi cempéne kagem kurban obongan?" taken Ishak. "Gusti Allah bakal nyedhiyakake cempéne," wangsulané Abraham.



7

Wong loro mau tekan panggonan sing wis dipilih karo Gusti Allah. Ing kana, Abraham mbangun misbah lan nata kayu kanggo ngobong kurban ing ngarsané Gusti. Abraham wis nate mbangun akeh misbah. Nanging mesthine iki sing paling abot.




8

Abraham naleni Iskhak lan diselehake putrane sing ditresnani kuwi ing misbah. Apa Abraham bener-bener manut karo Gusti Allah lan ngorbanké Iskhak sing ditresnani, anaké ontang-anting?



9

Wis! Piso sing katon kerlap-kerlip nalika Abraham ngangkat dhuwur. Atine krasa lara, nanging Abraham ngerti nèk dhèwéké kudu manut karo Gusti Allah.



10


"OJO!" Malaékaté Gusti Allah nguwuh. "Saiki Aku ngerti yen kowé wedi marang Gusti Allah. kowé ora ngendhaleni anakmu, anakmu ontang-anting, saka Aku."



11

Merga weruh wedhus gèmbèl lanang ing grumbul-grumbulan, Abraham nguculi ikatané Iskhak banjur ngurbanké wedhus gèmbèl mau. Iskhak mbathin,

"Gusti Allah wis nyawisake, kaya sing dingendikakake bapaku."




12

Nalika bapak lan anaké padha nyembah, Malaékaté Gusti Allah ngandika marang Abraham. "Ing anak-anakmu, kabeh bangsa bakal diberkahi, amarga manutmu kuwi." Ing sawijining dina, Yésus bakal lair saka turunané Abraham.



13

Abraham lan Iskhak bali menyang omah. Sawetara, kasusahan teka. Sarah seda. Abraham kelangan bojone, lan Iskhak kelangan ibune.



14

Sakwisé panguburan, Abraham ngutus abdiné sing utama kanggo nggolèké bojoné Iskhak. Abdi mau lunga menyang tanah kelairané tuane kanggo golek bojo ing antarané seduluré Abraham.



15

Abdi mau njaluk tandha marang Gusti Allah. "Sopo wae bocah wadon sing menehi banyu kanggo unta-untau, dadia kanggo Iskhak." Sanalika Ribkah nawani menehi banyu. Dhèwèké kuwi salah siji seduluré Abraham. Abdi mau ngerti menowo Gusti Allah wis njawab pandongane.



16

Ribkah banjur ninggalake keluargane kanggo omah-omah karo Iskhak. Dhèwèké nglipur Iskhak sawise ibune seda. Iskhak tresna banget marang Ribka!



17

Gusti Allah nguji katresnané Abraham
Crita saka Pangandikané Gusti, Kitab Suci
bisa digolèki ing
Purwaning Dumadi 22 - 24

"Kawedharipun pangandika Paduka punika madhangi". Jabur 119:130

18

Crita Kitab Suci iki nyritaaké bab Gusti Allahé awaké dhéwé sing luwar biasa, sing nitahaké kita kabèh, sing ngersaaké supaya kowé wanuh marang Panjenengané.

Gusti Allah pirsaa yén awaké dhéwé wis nglakoni prakara sing èlek-èlek, sing disebut déning Gusti Allah, dosa. Ukumané dosa iku pepati, nanging Gusti Allah banget olèhé ngasihi marang kowé, mula ngirim Putrané Ontang Anting, utawa Putra sing ora ana Tunggale, asmané Yésus, supaya séda disalib. Yésus diukum sebab dosa-dosamu. Banjur Gusti Yésus wungu manèh saka séda lan kondur menyang Swargal! Yen kowé pracaya marang Gusti Yésus lan nyuwun pangapura tumrap dosa-dosamu, Panjenengané bakal maringi pangapura! Panjenengané bakal rawuh lan urip nang atimu saiki uga, lan kowé bakal urip bareng Panjenengané saklawasé.

Yen kowé percaya yen iki bener, mara matura marang Gusti mengkéné: Gusti Yésus ingkang kawula tressnani, kawula pitados bilih Paduka punika Gusti, lan sampaun manjalma dados manungsa supados séda kanggé nyirraaken dosa-dosa kawula, lan sakpunika Paduka sampaun gesang malih. Mugi rawuhua ing gesang kawula lan apuntenana sedaya dosa kawula, supados kawula nggadahahi gesang énggal ing wekdal punika, lan bénjang badhé sesarengan kaliyan Paduka salaminipun. Mugi mitulungi kawula supados saged tansah mbangun turut dhumateng Paduka sarta gesang kagem Paduka, dados putra Paduka. Amin.

Macaa Kitab Suci lan geguneman karo Gusti Yésus saben dina! Yohanes 3:16

Cunthel

5



60

19

20